

ժամանակագրութեան մէջ կը գրէ թէ տեղւոյն քրիստոնէից մէջ աւանդութիւն կայ որ Ս. Կոյսը Զաքարիայի տան մէջ նոյն կողմերը այցելած է Եղիսաբեթի: Ուրեմն այդ տեղական աւանդութեան վրայ յենլով է որ Հայք Ս. Զաքարիայի վանքը կառուցած են Նազարէթի մօտը՝ յարճեաւան յերիկն: Անտարակոյս այս տեղական աւանդութիւն մ'է որը կը տարբերի Աւետարանի պատմութենէն (Ղուկ. Բ. 39) և որուն համաձայն կը հասկցուի թէ՛ Ս. Կոյսը Եղիսաբեթը ողջունելու համար Նազարէթէն կը մեկնի «չեղևակողմ ի ֆաղաֆն Յուդայ»: Իգնատիոս՝ Ղուկասու մեկնիչը և շատերը «քաղաքն Յուդայ» ըսելով կը հասկնան Երուսաղէմի մօտիկ Այնֆեարիս ըսուած տեղը, ուր նմանապէս Հայեր կառուցած են փառաւոր վանք ու եկեղեցի (Տե՛ս Այնֆեարիս գիւղի Հայոց վանքը ու եկեղեցին, էջ 30-46): Փա՛ռք մեր նախնիքներուն՝ որ բարեպաշտօրէն կը յարգէին աւետարանական բոլոր աւանդութիւնները և կը յայտնէին իրենց սէրը և կը կոթողէին իրենց հաւատքը տիրանուէր յիշատակարաններով:



Լ Ը

Ս. ՅՈՎՀԱՆՆՈՒ ԱԻԵՏԱՐԱՆՉԻՆ ԵԿԵՂԵՑԻՆ

Ս. ՅԱՐՈՒԹԵԱՆ ԳԱԻԻԹԸ

Ս. Յարութեան գաւիթին մէջ Ղպտոց Ս. Միքայէլ եկեղեցիին դրան ուղղութեամբ 6 կամ 7 մէթր գէպի հարաւ՝ գաւիթին արեւելեան կողմ՝ Հայոց սեպհական Ս. Յովհաննու Աւետարանչի մատուռը կայ երեք սեղանով. աւագ սեղանն է յանուն Ս. Յովհաննու Աւետարանչին, աջակողմինը՝ Զորչարանաց և Կապանաց Քրիստոսի, ձախակողմինը՝ յանուն Հօրն Արրահամու և զենման Իսահակայ: Աջակողմեան փոքր սեղանին մէջ կը գրտ-